

NUUSBRIEF - SEPTEMBER 1987

MARIONEILAND

WEER EENS WELKOM EN GRAAG DEEL EK VAN ONS DOEN EN LATE OP MARION
MET ALMAL.

NA DIE VERTREK VAN DIE S.A. AGULHAS IS ALLES BESIG OM NA NORMAAL
TERUG TE KEER IN DIE BASIS. ONS HET WEGGESPRING MET 'N OEGGLIKE
SKOONMAAK IN EN OM DIE BASIS WAARMA DIE NUWE LEDE HUL KAMERS GE=
TAKEL HET OM HUL TUISTE VIR DIE VOLGENDE PAAR MAANDE REG TE KRY.

MARIONEILAND BEGIN STADIG SY SOMERKLEED AANTREK. ONS GENIET
LANGER LIGTYD EN MEER SONSKYN. MEER EN MEER DIEPE KEER TERUG VANAF
HUL WINTERAFWESIGHEID NA DIE EILAND VIR DIE SOMER. DIE SOOTY
ALBATROSSE IS TERUG EN IS ORAL IN DIE LUG TE SIEN NABY HUL NESTE
WAT TEEN STEIL HANGE EN KRANSE OM DIE KUS AANGETREF WORD. DIE ROOF=
MEEUE IS OOK ORAL TE BESPEUR, VERAL WAAR DAAR NUWE AANKOMELINGE
TE VIND IS, OP DIE UITKYK VIR IETS OM TE ROOF. DIE GENTOO-
PIKKEWYNE, WIE SE EIERS REEDS VERLEDE MAAND BEGIN UITBROEI HET,
SE KLEINTJIES HET ERG ONDER DIE ROOFMEEUE DEURGELCOP. DIE REUSE
ALBATROSKUIKENS GOOI NOU HUL DONSVERE AF EN TREK DIE VOLWASSE
MANTEL AAN. DIE KORYORANTE VOER AANSKOULIKE PAARBEWEGINGS UIT EN
IS HARD AAN DIE NESBOU VIR DIE EIERS WAT EERSDAAGS DAAR SAL WEES.

REG OM DIE EILAND WAAR DAAR OLIFANTROBBE AANGETREF WORD, KALF
DIE KOEIE NOU. DIT BOU OP NA 'N KLIMAKS GEDURENDE MIDDEL OKTOBER
WANNEER AL DIE KOEIE OP LAND BEHOORT TE WEES. DAARNA VOLG DIE
HOFMAKERY DEUR DIE BULLE WAT GEPAARD GAAN MET GROOT GEVEGTE OM
HEERSKAPPY VAN DIE HAREMS TE BEPAAL. LIGTE GEVEGTE WORD REEDS PLEK-
PLEK WAARGENEEM SOOS DIE BULLE HUL HAREMS BYMEKAAR BEGIN MAAK. AL
HIERDIE AKTIWITEITE BRING MEE DAT DIE MOORDWALVISSE MEER AANDAG
AAN MARION BEGIN SKENK OP DIE UITKYK VIR 'N MOONTLIKE MAALTYD.
GROOT TROPPE VAN TOT 15 WORD OPGEMERK EN WREDE AANVALLE IS AL
BESPEUR. VROEG HIERDIE MAAND IS DAAR OOK 'N LUIPERDROB BY TRYPOT
OPGEMERK WAT MEEGEBRING HET DAT ALMAL BY DIE BASIS DAARHEEN IS
OM DIE RARITEIT TE FOTOGRAFEER.

DIE KATJAGTERS IS REEDS MET HUL EERSTE JAGSESSIE ONTNUGTER DEUR
DIE VERANDERLIKHEID VAN DIE WEERSTOESTANDE OP MARION NADAT HULLE
GEDURENDE DIE OORNAME MEESTAL BEDERF IS DEUR GOEIE WEER. GEDURENDE
HIERDIE MAAND HET ONS DAN OOK BAIE SNEEU EN 'N BOGEMIDDELDE
HOE REENVAL GEHAD. DIE WINDE HET SOOS GEWOONLIK HUL TOL GEEIS EN
CHRIS MOES GEREELD HERSTELWERK AAN DIE GEBOUE DOEN WAAR PLATE
LOSGEWAAI IS. OMRUDE DIE ONVOORSPELBAARHEID VAN DIE WEERSOMSTANDIG=
HEDE WORD FRANK SOKOLIC GEREELD GERAADPLEEG DEUR MANNE WAT WIL
GAAN STAP. SY VOORSPELLINGS IS SO IN DIE KOL DAT HY DIE REPUTASIE
VAN WEERVOORSPELLERS 'N SWAAR KNOU KAN TOEDIEN. DAAROM OOK DAT
FRANK GAAN SEKER MAAK HET AANGAANDE DIE WEERSOMSTANDIGHED E OM
DIE EILAND, 'N STAPTOG VAN VYF DAE.

NA OORNAME WAS DAAR NOG HEELWAT KLEIN TAKIES WAT AFGEHANDEL MOES
WORD. DAAR MOES ONDER ANDERE 'N KRAGOPWEKKER NA EEN VAN DIE HUTTE
GENEEM WORD. EEN OGGEND IN DIGTE SNEEU, KRAGOPWEKKER OP DIE RUG,
ONDERNEEM ANDRE EN ANDRE (A.J. EN A.M.) DIE UITSTAPPIE, PLEK-PLEK
WAS A.J. KOP ONDER DIE SNEEU. GELUKKIG MET SY VOETE NA BO EN OOK
NET OM TE POSEER VIR FOTOS. OM BIETJIE ASEM TE SKEP DEUR AL DIE
GENOEL, HET A.J. BAIE KORT STAPPIES ONDERNEEM WAT OOK 'N JAGTOG
SAAM MET EEN VAN DIE KATJAGTERS INGESLUIT HET. DIE TOG IS AFGE=
SLUIT MET 'N ONWILLIGE SWEM IN 'N WATERBED. GARY HET SELF REEDS
VERSKEIE JAGTOGTE MEEGEMAAK.

ZZC 162 01621
AAHQ16 FAME 050301
MP 691

M44/251

BLADSY TWEË

GEDURENDE DIE MAAND IS DAAR OOK 'N DUIKEKSPEDISIE VAN VIER DAE NA SHIPS COVE DEUR A.M. ONDERNEEM. HY IS DEUR VOSSIE EN GARY VERGESEL, 'N GROEP VAN AGT MANNE HET NA SHIPS VERTREK OM TE HELP DRA AAN DIE NODIGE TOERUSTING. DIE MANNE WAT DIE TYD BY SHIPS DEURGEBRING HET, HET MAAR MIN DUIKGELEENTHEDE GEHAD WEENS DIE WEERSOMSTANDIGHED, MAAR NOGTANS 'N GENOTVOLLE ERVARING GEHAD.

DIE PUNK HAARSTYLE WAARMEE VAN DIE KATJAGTERS AFGESKOP HET, IS VINNIG AAN DIE TOEGROEI. JUG HOU EGTER SY KOP KAALGESKEER OM SO DIE HAAROPKNAPPER TE KAN AFWAS WAT DIE ALBATROSKUIKENS HOM TOEDIEN WANNEER HY MET HULLE WERK. NET OM NIE TERUG TE STAAN NIE, HET CHRIS, FRANK S, GARY, HENNIE EN STEVE C OOK HUL HARE GESNY. VIR GARY SEKER MEER 'N SAAK VAN TROTS AS STAANDEMAGLID. JAN HET OOK SY BAARD AFGESKEER, MAAR MET AANSKOU VAN WAT HY TOE SIEN, BESLUIT HY OM ALLES VINNIG WEER TE LAAT TOEGROEI.

DIE ONTSPANNINGSAREA BINNE DIE BASIS ONDERGAAN 'N GEDAANTEVERWISSELING SOOS GEORG VORDER MET DIE VERANDERING. DIE KREATIWITEIT ONDER DIE KATJAGTERS HET 'N KOMPETISIE ONTKETEN OM TE SIEN WIE DIE BESTE TOILETGERIEWE BY DIE HUTTE KAN SKEP. VAN DIE HUTTE SPOG REEDS MET BESKUTTE TOILETTE ASOOK SPOELGERIEWE.

ONDER DIE JAGTERS WIL DIT VOORKOM ASOF DIE GROOT SINKER IN DIE MOERASSE STEEDS MARCEL, DIE LANGSTE MAN OP DIE EILAND EN MET 'N NOMMER 13 SKOEN, IS. MET VOETE WAARVOOR DAAR NIE 'N NOMMERPAS WATERSKOEN BESKIKBAAR WAS NIE, KAN DIT OOK NIE ANDERS NIE.

NIETEENSTAANDE SLEGTE WEER EN 'N BAIE MOEILIKE TERREIN PAS DIE NUWE LEDE GOED AAN. DIE TOTAAL KATTE WAT AL OPGEMERK EN GESKIET IS, VERGELYK GOED MET DIE VORIGE JAAR EN DIT IS DUIDELIK DAT DIE KATPROGRAM VRUGTE AFWERP.

ONS HET VERSKEIE VERJAARSDAE HIERDIE MAAND GEHAD. EERSTE WAS FRANK VREEDE - DIE MAN MET DIE EETLUS. NA HOM HET ZOOT GEVOLG. HY HET SEKER GEMAAK DAT HY DIE VOLLE 24 UUR VAN SY VERJAARSDAG WAKKERBLY, MET NICO WAT HOM GETROU BYGESTAAN HET. IVAN HET OOK VERJAAR, MAAR HET REEDS GAAN SLAAP TOE SY PARTYTJIE MOES AFSKOP - AGTUUR DIE AAND. ELK VAN DIE MANNE IS VERRAS MET 'N VERJAARSDAG-KOEK WAT DEUR A.J. GEBAK EN VERSUUR - EK BEDOEL VERSIER IS. STEVE H HET OOK VERJAAR, MAAR DIT VERSWYG EN DAAR WORD NOU GEWAG VIR SY TERUGKEER UIT DIE VELD. VIR SO 'N VERSWYGING KAN 'N MAN NET BOET.

MET ALMAL STEEDS FRIS EN GESOND EN DAAGLIKS VOL AFWAGTING VIR NUUS VANAF DIE HUIS, GROET EK.

GROETE VAN ALMAL
MARION 44

WEERDATA - SEPTEMBER 1987

HOOGSTE TEMP.....10,2 GRADE
LAAGSTE TEMP.....- 1,5 GRADE
GEMIDDELDE TEMP.....4,4 GRADE
TOTALE REENVAL.....269,2 MM
HOOGSTE WINDSPOED.....141 KM/H
TOTALE URE SONSKYN.....111,9
GEMIDDELDE URE SONSKYN PER DAG.....3,7

NUUSBRIEF DEUR: ANDRE MEYER
WEERDATA DEUR: FRANK SOKOLIC